



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՎԱՐՉԱԿԱՆ ԱԿՏ N 1511779
ՀՀ ՀԱՐԿԱՅԻՆ ՕՐԵՆՍԳՐՔԻ 410-ՐԴ ՀՈԴՎԱԾԻ 3-ՐԴ ՄԱՍՈՎ ՍԱՀՄԱՆՎԱԾ
ՊԱՏԱՍԽԱՆԱՏՎՈՒԹՅԱՆ ԿԻՐԱՌՄԱՆ ՎԵՐԱԲԵՐՅԱԼ

20 ապրիլի 2021թ.

Բ. Երևան
(կազմման վայրը)

Ակտի հասցեատեր

Ա/Ձ Բաբկեն Հովակիմյան

(անհատ ձեռնարկատիրոջ անունը, ազգանունը (անհատ ձեռնարկատեր նշումով) կամ իրավաբանական անձի անվանումը)

7	6	8	4	5	2	0	6
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

Ք. Վայք, Շինարարների փող. 18

(անհատ ձեռնարկատիրոջ հաշվառման հասցեն կամ իրավաբանական անձի գրանցված վայրի հասցեն)

Խախտման նկարագրությունը

ՀՀ ՊԵԿ ՀՕՀ վարչության պետի 26.02.2021թ-ի թիվ 1511779 որոշման համաձայն Ա/Ձ Բաբկեն Հովակիմյանի նկատմամբ իրականացված օպերատիվ-հետախուզական միջոցառումների արդյունքում պարզվել է, որ 08.04.2021թ-ին ժամը 10:00-ի սահմաններում Ա/Ձ Բաբկեն Հովակիմյանը իր շահագործման տակ գտնվող «Վազ 2102» մակնիշի 34 AV 073 պետհամարանիշի ավտոմեքենայով ք. Վայք, Շինարարների 18 հասցեում գտնվող արտադրամասից տեղափոխել է ընդհանուր 6.200 ՀՀ դրամ արժեքով ապրանքներ (10 հատ մատնաքաշ, 1 հատի արժեքը 220 ՀՀ դրամ և 50 հատ լավաշ, 1 հատի արժեքը 80 ՀՀ դրամ)՝ Վայք քաղաքի խանութներին իրացնելու նպատակով, որի վերաբերյալ դուրս չի գրվել համապատասխան հաշվարկային փաստաթուղթ:

Վերոգրյալը հաստատվել է Ա/Ձ Բաբկեն Հովակիմյանի կողմից 08.04.2021թ-ին ներկայացված գրավոր հայտարարությամբ:

Թիվ 1511779 արձանագրությամբ 09.04.2021թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել 16.04.2021թ-ին նշանակված վարչական վարույթի լուծմանը: Գործում առկա չեն լրացուցիչ ապացույցներ, չեն ներկայացվել միջնորդություններ:

Վարույթ իրականացնող մարմինը վարչական վարույթի նյութերի ուսումնասիրությամբ հաստատված է համարում Ա/Ձ Ա/Ձ Բաբկեն Հովակիմյանի կողմից ՀՀ հարկային օրենսգրքի 57-րդ հոդվածով սահմանված ապրանքի մատակարարման փաստաթղթավորման պահանջի խախտման փաստը:

Վարչական վարույթի ուսումնասիրության շրջանակներում պարզվել է նաև, որ Ա/Ձ Բաբկեն Հովակիմյանը 20.02.2021թ-ին հարկային մարմին է ներկայացրել միկրոձեռնարկատիրության սուբյեկտ համարվելու վերաբերյալ հայտարարություն:

Համաձայն ՀՀ Հարկային օրենսգրքի 267-րդ հոդվածի 1-ին մասի 1-ին կետի՝ սույն հոդվածի 3-րդ մասով սահմանված պայմանը բավարարող ռեզիդենտ առևտրային կազմակերպությունները և անհատ ձեռնարկատերերը (բացառությամբ սույն հոդվածի 5-րդ մասով սահմանված դեպքերի) միկրոձեռնարկատիրության սուբյեկտներ են համարվում հետևյալ դեպքերում և ժամկետներում.

1) տվյալ հարկային տարվա հունվարի 1-ից մինչև տվյալ հարկային տարվա ավարտը (բացառությամբ Օրենսգրքի 254-րդ հոդվածով սահմանված՝ հարկային տարվա ընթացքում շրջանառության հարկ վճարող համարվելու կամ Օրենսգրքի 59-րդ հոդվածով սահմանված՝ հարկային տարվա ընթացքում ԱԱՀ վճարող համարվելու դեպքերի), եթե հարկ վճարողը մինչև տվյալ հարկային տարվա փետրվարի 20-ը ներառյալ հարկային մարմին է ներկայացրել հարկային մարմնի հաստատած ձևով՝ միկրոձեռնարկատիրության սուբյեկտ համարվելու վերաբերյալ հայտարարություն:

ՀՀ հարկային օրենսգրքի 410-րդ հոդվածի 3-րդ մասի համաձայն՝ «Օպերատիվ-հետախուզական գործունեության մասին» Հայաստանի Հանրապետության օրենքով սահմանված կարգով իրականացվող օպերատիվ-հետախուզական միջոցառումների ընթացքում Օրենսգրքով սահմանված կարգով միկրոձեռնարկատիրության սուբյեկտ համարվող հարկ վճարողների կողմից ապրանքների մատակարարման կամ տեղափոխության փաստաթղթավորման կամ ապրանքների հետազօծելիության ապահովման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուղեկցող փաստաթղթով կամ առանց ուղեկցող փաստաթղթի կամ առանց ապրանքների հետազօծելիությունն ապահովող էլեկտրոնային սարքի ապրանքների մատակարարման կամ տեղափոխության հայտնաբերման դեպքում կիրառվում է նախազգուշացում, իսկ նախազգուշացումը կիրառելուց հետո՝ մեկ տարվա ընթացքում, սույն մասով սահմանված երկրորդ փաստ արձանագրվելու դեպքում վարչական ակտն ուժի մեջ մտնելու օրվան հաջորդող օրվանից հարկ վճարողը դադարում է համարվել միկրոձեռնարկատիրության սուբյեկտ:


Վերը նշվածից ելնելով փաստում ենք, որ Ա/Ձ Բաբկեն Հովակիմյանը, 20.02.2021թ-ին միկրոձեռնարկատիրության սուբյեկտ համարվելու վերաբերյալ հայտարարության ներկայացմամբ 2021թ-ի հունվարի մեկից համարվում է միկրոձեռնարկատիրության սուբյեկտ, որպիսի հանգամանքով պայմանավորված, 09.04.2021թ-ի թիվ 1511779 արձանագրությամբ ամրագրված խախտման համար վերջինիս նկատմամբ տուգանքի տեսքով հարկային պատասխանատվության փոխարեն նախատեսված է նախազգուշացումը:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

Որոշեցի

ՀՀ ՊԵԿ ՀՕՀ վարչության 09.04.2021թ-ի թիվ 1511779 արձանագրության հիման վրա Ա/Ձ Բաբկեն Հովակիմյանի վերաբերյալ կիրառել նախազգուշացում՝ հարկային պատասխանատվության տեսակը:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ



Ա.ՄԱՅԱԿԱՆՅԱՆ

Միաժամանակ տեղեկացնում ենք, որ ՀՀ հարկային օրենսգրքի 410-րդ հոդվածի 3-րդ մասի համաձայն՝ միկրոձեռնարկատիրության սուբյեկտի նկատմամբ նախազգուշացումը կիրառելուց հետո՝ մեկ տարվա ընթացքում, նույն մասով սահմանված խախտման երկրորդ փաստ արձանագրվելու դեպքում վարչական ակտն ուժի մեջ մտնելու օրվան հաջորդող օրվանից հարկ վճարողը դադարում է համարվել միկրոձեռնարկատիրության սուբյեկտ: